



Izvješataj

**DVANAESTA MEĐUNARODNA KONFERENCIJA
JEDINSTVO I RAZLIKE U EVROPI
od 30. jula do 1. augusta 2017. godine
Mostar, Hotel Bristol**

Međunarodni forum Bosna, uz saradnju i podršku više organizacija iz zemlje i svijeta, organizirao je Dvanaestu međunarodnu konferenciju *Jedinstvo i razlike u Evropi*. Taj multidisciplinarni znanstveni skup bio je održan od 30. jula do 1. augusta 2017. godine. Tema ove konferencije je bila *Migracije i kriza evropskog identiteta*.

Projekat je podržan od strane Federalnog ministarstva obrazovanja i nauke, BH Telecoma, JP BH Pošte, Muzeja Hercegovina i drugih prijatelja i volontera koji podržavaju rad Međunarodnog foruma Bosna.

Program konferencije bio je organiziran oko tri znanstvena područja: (1) Religija, identitet i društvo: Evropa i pluralnost javnog života; (2) Migracije i kriza evropskog identiteta; i (3) Evropski vanjski i unutrašnji drugi.

Svaki od tri navedena panela uključio je izlaganja predavača i diskusiju.

U dio programa otvorenog za javnost bila su uključena tri javna predavanja/panela:

- Fikret Čaušević, Globalni finansijski tokovi i ekonomske promjene u posljednjih 25 godina s osvrtom na bosansku ekonomiju;
- Džamna Duman, Asim Zubčević i Mirsad Kunić, Razgovor o tri knjige – Mile Babić, Temeljna pitanja suvremene filozofije; Rusmir Mahmutćehajić, Hvalske ljestve: U znanju i voljenju; i Forum Bosnae 76: Sarajevo i svijet; i
- Azra Hromadžić, Nerin Dizdar i Desmond Maurer, Dovoljna pluralnost: Živjeti demokraciju u postdejtonskoj bosanskohercegovačkoj državi

Sve znanstvene aktivnosti ove konferencije bile su na engleskom jeziku. Programi predviđeni za širu javnost bili su prevedeni.

Nermina Jusić
ICUPE 12

